



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. VII. An Theologia sit sapientia?

[urn:nbn:de:hbz:466:1-77132](#)

glie, sive scientia purè naturalis, cùm sit illud per quod scientiae naturales, essentialiter differeant ab habitu primorum principiorū, & Theologia à fide, quod diligenter notandum est.

Objiciunt tertio: illa scientia est entitativè supernaturalis, cuius certitudo est supernaturalis: Sed certitudo Thologiae est supernaturalis: Ergo Thologia est habitus supernaturalis entitativè. Minor patet, certitudo nīm quæ est major omni certitudine naturali (ut suprà diximus de certitudine Theologiae) non potest esse naturalis. Major vero suadetur: illa scientia est entitativè supernaturalis, cuius differentia essentialis est supernaturalis: Sed illa scientia cuius certitudo est supernaturalis, habet differentiam essentialē supernaturalem, cùm habitus scientiae per certitudinem essentialiter differat ab habitu opinonis: Ergo illa scientia est entitativè supernaturalis, cuius certitudo est supernaturalis.

Ad hoc argumentum, quod est palmarium apud Adversarios, distinguo Majorem: cuius certitudo est supernaturalis, formaliter & immediate, concedo Majorem: radicaliter, originative, & solūm illativè, nego Majorem; & eadem distinctione applicata Minori, nego consequentiam. Sicur ergo Thologia non causatur immediate à principio supernaturali, sed mediante tantum, mediante scilicet discursu naturali intellectus humani, ex quo habet quod sit radicaliter & originative supernaturalis, non verò formaliter & entitativè: ita non habet certitudinem formaliter & immediate supernaturalis, sed tantum radicaliter & originative, in quantum mediante discursu naturali, conclusiones Theologicae resolvuntur in principia supernaturalia; sicut mediante eodem discursu ex illis principiis deducuntur; quod tamen sufficit, ut certitudo Thologiae sit major omni certitudine naturali, quamvis non sit tanta, quanta est certitudo formaliter supernaturalis, qualis reperitur in fide.

Objiciunt quartò: practicum & speculativum, cùm illi differentia divisivæ scientiarum naturalium, non possint adunari, seu eminenter contineri, in scientia naturali, ut diximus art. 4. Sed adunantur in Thologia, cùm illa sit eminenter formaliter speculativa, & practica, ut ibidem ostendimus: Ergo Thologia non est scientia naturalis entitativè.

Confirmatur: Thologia debet esse ejusdem ordinis cum fide, cùm ei subordinetur tanquam habitui primorum principiorum; & cum scientia Dei & Beatorum, cùm subalternetur illi, ut art. 2. ostendimus: Sed fides, & scientia Dei, ac Beatorum, sunt habitus entitativè supernaturalis: Ergo & Thologia.

Ad objectionem respondere distinguendo Majorem: practicum & speculativum non possunt E adunari, seu eminenter contineri, in scientia naturali entitativè, si non sit supernaturalis radicaliter & objective, concedo Majorem. Si radicaliter & objective supernaturalis sit, nego Majorem. Unde ad hoc ut Thologia sit eminenter speculativa & practica, fatis est, quod radicaliter & objective supernaturalis sit, id est quod dependeat à fide, qua est eminenter formaliter speculativa & practica, & respiciat tanquam proprium objectum, Deum sub ratione Deitatis, qui cùm sit prima veritas, & ultimus finis, est prima regula speculationis & praxis.

Ad confirmationem nego Majorem: licet Tom. I.

A enim Theologia contineatur in fide, tanquam in semine, & sicut scientia continetur in habitu principiorum, quia tamen non acquiritur, nisi mediante discursu, qui est causa proxima & immediata illius, & aliunde effectus magis sapit naturam causa proximæ, & immediatae, quam remora & radicalis, ut suprà variis exemplis declaravimus; illa non est entitativè supernaturalis, sicut fides, sed potius naturalis quoad entitatem, sicut discursus. Similiter, licet Theologia scientia Dei, & Beatorum subalternetur, non tamen propterea est supernaturalis, quoad entitatem; cùm enim scientia subalternata sit inferior subalternanti, & ab illa dependeat, non requiritur quod sit ejusdem ordinis cum illa, sed potest esse ordinis inferioris.

Dices, scientia subalternata dicit habitudinem ad subalternantem: Sed si Theologia sit naturalis entitativè, non poterit dicere habitudinem ad scientiam Dei & Beatorum: Ergo nec illi subalternari. Major patet, Minor probatur. Illa que sunt ordinis naturalis & inferioris, non possunt dicere habitudinem ad ea quæ sunt ordinis supernaturalis & superioris. Ergo si Theologia sit naturalis entitativè, non poterit dicere habitudinem ad scientiam Dei & Beatorum.

Respondeo concessa Majori, negando Minorrem, ad cuius probationem dicendum, quod illa quæ sunt ordinis naturalis & inferioris, non possunt dicere habitudinem ad ea quæ sunt ordinis supernaturalis, & superioris, si ab aliquo habitu, vel forma talis ordinis non dependant, nec resultent: secus verò si ab illa dependant, aut resultent. Exemplum habemus in illo qui postquam diu se in actibus charitatis exercuit, incidit in peccatum mortale, per quod amittit habitum charitatis: in ea enim remanet dispositio quadam imperfecta ad elicendos actus charitatis, similes illis quos exercebat, dum erat in gratia; qua dispositio, licet sit naturalis, dicit tamen ordinem ad præcedentes actus charitatis, ex quibus remansit & resultavit. Ita similiter, licet Theologia sit habitus ordinis naturalis, quantum ad substantiam & entitatem; quia tamen dependet à fide, & à scientia beata, in certitudine, vel evidentiâ suorum principiorum, dicit habitudinem ad illas, quamvis ad ordinem supernaturalis pertineant.

ARTICVLVS VII.

An Theologia sit sapientia?

N Otandum primò: sapientiam aliam esse infusam, quæ est donum Spiritus sancti, & quæ importat quandam rectitudinem judicii circa divina conscienda & consulenda, secundum quandam connaturalitatem ad res divinas procedentem ex charitate quæ nos unit Deo. Aliam acquisitam, quæ est una ex quinque virtutibus intellectualibus enumeratis ab Aristotele 6. Ethic. c. 4. quæ habet judicare de rebus per altissimam cauam, ut docet D. Thomas 1.2. quæst. 66. art. 5.

Notandum secundò ex eodem S. Doctore ibidem quæst. 57. art. 2. ad 1. quod sapientia acquisita, de qua solūm hic agimus, est quadam scientia, in quantum habet id quod est commune omnibus scientiis, ut scilicet ex propriis conclusiones demonstret: sed quia habet ali-

C 3 quid

quid proprium supra alias scientias, in quantum scilicet de omnibus judicat, non solum quantum ad conclusiones, sed etiam quantum ad prima principia, ideo habet rationem perfectioris virtutis, quam scientia. Ex quo sequitur quod sapientia & scientia non differant, tanquam duas species oppositas, sed solum tantum species perfectior ab imperfectiori intra idem genus. Unde scientia sumpta pro habitu per demonstrationem acquisito, dividitur in sapientiam, & scientiam: ita ut sapientia sit scientia per causam altissimam, scientia vero communiter dicta, & ut constinguitur a sapientia, si cognitio per causas inferiores.

Notandum tertio: quod quando Aristoteles, lib. 1. magnorum moralium cap. 39. ait sapientiam ex intellectu & scientia constitui, non intendit sapientiam esse habitum compositum ex scientia & habitu primorum principiorum, ut male hic interpretatur Molina. Vel etiam illam esse unicum simplicem habitum, potestate continentem scientiam & habitum primorum principiorum, eo modo quo anima rationalis continet sensitivam & vegetativam, ut existimat Nazarius hic & Caieta quis 1. 2. qu. 57. art. 2. Ratio est primus, quia Metaphysica est vera sapientia, ut concedunt omnes, & tamen continetur intra genus scientiae, ut constat ex 1. Metaphysica. Secundum, quia juxta hos modos dicitur, non salvatur numerus quinarius virtutum intellectualium, ab Aristotele, & D. Thomas traditus, & communiter approbat. Tertius, habitus ille simplex potestate continentem scientiam & habitum primorum principiorum, videtur impossibilis: vel enim esset a natura comparatus & hoc non, alias omnes essent naturaliter sapientes: vel propriis actibus? & queritur, quibus? non per actus habitus primorum principiorum, quia illi non generant, nisi similem habitum: neque per demonstrationem, quia jam esset scientia; neque per actus scientiae & habitus primorum principiorum, quia cum illi habitus concurrant, sicut semper ad faciendum demonstrationem, jam per quamlibet demonstrationem posset generari tertius habitus, potestate utrumque continentis, quod vix est intelligibile. Quamvis ergo sapientia aliqua, nempe sapientia Dei & Beatorum, eminenter formaliter continet rationem intellectus & scientiae, ut dicimus in Tractatu descentiae Dei, id tamen nulli sapientiae purè humanae & acquisiti convenire potest. Unde quando Aristoteles docet, sapientiam continere scientiam, & habitum primorum principiorum, hoc non est intelligendum de continentia formalis, sed tantum de virtuali: illa enim dicitur utrumque habitum continere, quia haber duo officia omnino diversa, in primis enim dedit conclusiones ex primis principiis demonstrabilibus, & hoc est illi commune cum aliis scientiis; deinde versatur circa prima principia, multis modis: primus explicando illa per terminos universales; secundus defendendo illa contra protervos, & etiam probando per resolutionem ad impossibile: tertius explicando proprietates illorum, ut quod non possint demonstrari, quod convincant intellectum, nec possint negari perceptis terminis, &c. His praesuppositis.

75 Dico, Theologiam nostram vere & propriè esse sapientiam. Ita D. Thomas hic art. 6. & communiter Theologi cum illo.

Probatur primus: sapientia nihil aliud est, quam perfecta scientia, ut constat ex dictis annotatione 2. & expressè docet D. Thomas super Boëtium qu. 2. qua de causa ab Aristotele, omnium scientiarum Regina & Dea appellatur: Sed Theologia est scientiarum omnium Architectonica, & suprema, ac veluti aliarum scientiarum Dea & Regina, ut constabat ex infra dictis: Ergo est vere & proprie sapientia.

Probatur secundus: in hoc differt sapientia à scientia communiter dicta, quod illa est cognitione rei per causam, non quamcumque, sed altissimam: unde in genere & difificie, artifex qui disponit formam dominus, dicitur sapiens, & Architecto, respectu inferiorum artificum, qui dolant ligna, vel parant lapides; & in ordine morali, vir prudens qui ordinat suos actus in ultimum finem, vocatur sapiens: Atque Theologia judicat de rebus per altissimam omnium causarum, nempe Deum, quem contemplatur sub lumine divinae revelationis, quae magis est certa & infallibilis, quam lumen naturale primorum principiorum: Ergo illa potiori jure est sapientia, quam Metaphysica, quæ Deum considerat ut cognoscibilem ex creaturis, & solo lumine naturali intellectus. Ex quo

Infetes primus: quod sicut sapientia versatur non solum circa conclusiones, quas deducit ex principiis, sed etiam circa ipsa principia, quæ explicat & defendit contra negantes, ita & Theologia duo illa munia exercet: non solum enim infert conclusiones ex articulis fidei, sed etiam illos explicat, & ostendit illorum credibilitatem, ac disolvit sophismata, & argumenta, quæ Hæretici vel Infideles contra illos proponunt: non quidem evidenter positivè (hoc enim est impossibile, cum veritas Mysteriorum fidei non possit evidenter ostendi) sed evidenter tantum negativè: id est, demonstrando talia argumenta non evidenter convincere, sed esse solubilia: v.g. quando Hæreticus arguit contra Mysterium Trinitatis, hoc modo: *Quæ sunt eadem unitus, sunt eadem inter se: Sed Pater & Filius sunt idem in essentia divina: Ergo identificantur inter se.* Theologia solvit illud argumentum evidenter negativè, dicendo quod quamvis sit evidens in rebus finitis & creatis, et quæ sunt eadem unitus, identificari inter se, non tam in ente infinito, & secundo, quod potest esse communicabile pluribus,

Infetes secundus: quod sicut sapientia judicat de omnibus: juxta illud Apostoli 1. ad Corinth. 2. *Spiritualis homo judicat omnia, ita & Theologia, cum sit vera sapientia, judicat de principiis, & conclusionibus omnium aliarum scientiarum.* Ut enim sequitur S. Doctor hic art. 6. ad 2. *Quicquid in aliis scientiis inventur veritati huius scientiae repugnat, totum ab ea condemnatur et saluat: unde dicitur 2. Corinth. 10. Consilia destruentes, & omnem altitudinem extollentes se adversus scientiam Dei. Quare Theologia est veluti Lydius lapis, ex cuius contactu verum a falso, purum ab impuro, & sincera doctrina, à vitiata & adulterata discernitur.*

Infetes tertius: quod sicut sapientis est non solum judicare, sed etiam ordinare, ut dicit Philosophus: ita etiam Theologia, non solum judicat de principiis aliarum scientiarum, sed etiam illas ordinat ad finem; ejus enim est ordinare ad finem, cuius est recipere ipsum finem: Theologia autem confidat fine in ultimum nostrarum actionum.

actionum, nempe Deum & beatitudinem: Ergo illius est, alias scientias ad illum dirigere & ordinare.

77 Obiecies primò: nostra Theologia est verè & proprie scientia, ut supra ostensum est: Ergo non est propriè sapientia. Probatur consequentia, nam sapientia & scientia condistingunt in genere virtutum intellectualium, sicut duo species dividentes aliquod genus: ut patet ex Aristotele 6. Ethic. cap. 4. & 8. ubi dividit virtutem intellectualis, in intellectum, sapientiam, scientiam, artem, & prudentiam. Igitur non potest eadē virtus intellectualis, simul esse sapientia & scientia: sicut nec idem animal simul homo & equus.

Respondeo ex D. Thoma Opusculo 70. quest. 2. art. 2. ad 1. Quod sapientia non dividitur contra scientiam, sicut oppositum contra oppositum, sed quia se habet ex additione ad scientiam. Est enim sapientia ut dicit Philosophus in 6. Ethic. caput omnium scientiarum, regulans omnes alios, in quantum de altissimis principiis est: propter quod etiam Dea scientiarum dicitur i. Metaphysica. Sicut ergo non repugnat, quod eadem persona simul sit homo & Rex: ita neque quod unus & idem habitus, simul habeat rationem scientia & sapientia.

78 Obiecies secundò: sapientia est maxima inter virtutes intellectuales, & altior ac nobilior ipso erit habitu primorum principiorum, ut colligitur ex Aristotele 2. Metaphys. cap. 1. & ex D. i. nomina 1. 2. qu. 57. art. 2. ad 2. Sed Theologia nostra non est maxima inter virtutes intellectuales, neque altior ac perfectior fide, quae est habitus principiorum ejus: nam fides est habitus infusus, & intrinsecè supernaturalis. Theologia vero est habitus acquisitus, & intrinsecè naturalis, ut supra ostendimus: Ergo Theologia non est verè & propriè sapientia.

Respondeo quod sapientia est maxima inter virtutes intellectuales, & altior ac nobilior habitu primorum principiorum, non simpliciter, sed secundum quid: quatenus scilicet ordinat & iudicat de omnibus, etiam de primis principiis, non quidem ea demonstrando, sed explicando per terminos universales, ac defendendo contra protervos. Et in hoc sensu, Theologia potest dici, secundum quid altior & nobilior fide, quatenus ejus articulos explicat, tuetur, ac defendit: Ut enim dicit Augustinus 14. de Trinit. cap. 1. Hoc est scientia, quā fides se uberrima gignitur, nutritur, robatur, & defenditur.

ARTICVLVS VIII.

An Theologia sit argumentativa, & ex quibus locis sua argumenta depromat?

79 Dico primò: Theologiam esse argumentativam. Ita D. Thomas hic art. 8.

Probatur primò ex Apost. 1. ad Timoth. 3. Omnis scriptura divinitus inspirata, utilis est ad docendum, ad argendum, &c.

Probatur secundò: Theologia est vera scientia, ut supra ostendimus: Sed omnis vera scientia est argumentativa, cum ex propriis principiis deducat varias conclusiones de suo obiecto, demonstrando ejus proprietates: Ergo Theologia est argumentativa.

Probatur tertio: nam in Scriptura Christus Dominus, Theologorum Princeps, sepe legitur

A contra Pharisæos argumentatus, ut constat ex Matth. 19. ubi probat matrimonium esse indissoluble, ex illo Genesis 2. Propter hoc relinquit homo patrem & matrem, & adhæredit uxori sua. Unde concludit: Quod ergo Deus conjunxit, homo non separat, Et cap. 22. ex illo Psalmi 109. Dixit Dominus Domino meo, probat Meissiam non esse purum hominem, nec solum filium David, sed etiam Deum: cum David ipsum vocet Dominum; quod nomen Pharisæi concedebant esse propriū Dei. Similiter etiam Apostoli sàpè fuisse argumentati leguntur. Ut enim notat D. Thomas hic art. 8. Apostolus 1. ad Corinth. 15. probat futuram esse resurrectionem omnium, quia Christus surrexit: cujus rationis vis in hoc consistit, quod non sit major difficultas respectu Dei, cur multi resurgent, potius quam unus.

Dico secundo: Theologiam ex decem locis sua argumenta eruere. Conclusio indiget solum explicatione.

Locus ergo Theologicus est sedes quædam, sive caput, unde argumenta Theologica desumuntur: cum enim Theologia, ut jam ostendimus, sit argumentativa; debent sibi determinata capita, unde ejus argumenta eruantur. Sed ut in Topicis, ab Aristotele plura loca communia designantur, ex quibus omnes scientiae possunt plura argumenta depromere. Decem autem solent in Theologia enumerari, ex quibus aliqui sunt necessarii, aliqui tantum probabiles; aliqui proprii, alii verò extranei: de quibus disserit, & fulissime differunt Magister Cano in libro de locis Theologicis, & Bannes super art. 8. hujus quest. & 2. 2. quest. 1. art. 10.

Igitur primus locus unde sumitur irrefragabile argumentum à Theologo, est Scriptura divina, quætunc habetur pro Canonica, quando sic ab Ecclesia declarata est: sicut declaravit Concilium Tridentinum less. 4. qui sint libri Canonici.

Secundus locus sumitur ex traditionibus Apostolicis, de quibus idem Concilium eadem lessione, sic definit: Sacrosancta Synodus, &c. omnes libros tam veteris quam novi Testamenti) cum utriusque unus Deus sit auctor) nec non traditiones ipsas, tum ad fidem, tum ad mores pertinentes, vel tanquam oretenus à Christo, vel à Spiritu Sancto dictatas, & continuâ successione in Ecclesia Catholica conservatas, pari pietatis affectu & reverentiâ suscipit, ac veneratur. De his videri possunt Bellarminus de verbo Dei non scripto, lib. 4. Cano lib. 3. de locis, & Bannes 2. 2. quest. 1. art. 10.

Tertius locus est consuetudo Ecclesie, quæ in omnibus maximè amulanda est, ut docet S. Thomas 2. 2. qu. 10. art. 12. his verbis. Maxime habet auctoritatem Ecclesia consuetudo, quia semper est in omnibus amulanda, quia & ipsa doctrina Catholicorum Doctorum, ab Ecclesia auctoritatem habet. Unde magis standum est auctoritati Ecclesie, quam auctoritati Augustini, vel Hieronymi, vel cuiuscumque Doctoris.

Quartus locus est ex Conciliis Generalibus, approbatis à Romano Pontifice, de quo Caietanus in opusculo tractat 1. i. ictoria relectione 4. & Bannes 2. 2. quest. 1. art. 10.

Quintus est ex declarationibus Romanorum Pontificum, & eorum auctoritate, quæ tanta est, ut illa sola prævaleat auctoritati omnium aliorum Episcoporum & Doctorum, ut constat in Stephano Papa primo: cum enim ejus tempore, om-